



Istražitelj SIPA na suđenju uhapšenim u akciji Osoje

50 minuta je značilo 50 grama heroina

Semir Šarić istakao da su optuženi koristili šifre i nikad nisu govorili otvoreno o narkoticima, te pojasnio da se uglavnom prodavao heroin i manje količine kokaina

U nastavku suđenja Adisu Buriću i još 11 osoba optuženih za organizirani kriminal i neovlašteni promet opojnih droga, u svojstvu svjedoka Tužilaštva BiH saslušan je istražitelj Državne agencije za istrage i zaštitu (SIPA) Semir Šarić.

Objašnjavajući da je uposlenik te agencije od njenog osnivanja, Šarić je kazao da se početkom 2012. hrvatski USKOK obratio SIPA sa obavještenjem da u Splitu provode istragu protiv državljana Hrvatske, a koji imaju saučesnike u BiH. Šarić je istakao da se kasnije došlo do saznanja da su u te aktivnosti umiješani otac i sin Bošnjak, Petar i Mario. Naredne 2013. godine se, dodao je svjedok, krenulo u posebne istražne radnje, odnosno počeo je da se nadzire i snima Petar Bošnjak.

Primopredaja na putu Stolac - Mostar

- Došli smo do saznanja da iz Hrvatske dolaze osobe u mjesto Osoje kod Bošnjaka radi nabave droge. Koristili su uglavnom šifre i nikad nisu govorili otvoreno o narkoticima. Petar se sastajao sa Semiom Habibijom u Mostaru, a nakon toga je počeo da se nadzire i snima i Habibijin broj. Tako smo došli do Burića, koji je uglavnom komunicirao sa Habibijom oko kupovine droge, pojasnio je Šarić.

Nadalje je objasnio da se primopredaja droge vršila na putu Stolac - Mostar, a često i kod restorana Romanca.

- Dešavalo se da osumnjičeni jedni drugima govore: Polazim za 50 minuta iz Čapljine, a u Mostaru je već za 20 minuta. Dugo nam



Sud BiH: Nastavak suđenja zakazan za 18. maj

je trebalo da dešifrujemo da tih 50 minuta zapravo znači 50 grama heroina, pojasnio je svjedok. On je kazao da se tokom posebnih istražnih radnji došlo i do Valentine Sulić, koja je, kazao je, imala 80 konzumenata na području Mostara, Čapljine, Širokog Brijega i Čitluka.

- Drogu je nabavljala od Alмира Denje, zvanog Kefa, a koji je drogu nabavljao od Burića. On je i tokom boravka u zatvoru preko svojih prijatelja putem mobitela nastavio da obavlja svoj posao. Tokom šest mjeseci, koliko je trajalo snimanje, Burić je obavio preko 2.000 konverzacija, kazao je Šarić, pojašnjavajući da se uglavnom prodavao heroin, ali i manje količine kokaina.

Odbrane optuženih ovog su svjedoka ocijenile irelevantnim, navodeći da se radi o osobi koja iznosi lična mišljenja.

Neki od advokata su konstato-

vali i to da prvi put čuju da je "čovjek osposobljen za dešifrovanje", na šta im je Šarić odgovorio da se, između ostalog, specijalizovao za dešifrovanje, te da ovaj posao može raditi i na osnovu dugogodišnjeg iskustva.

Suđenje se nastavlja 18. maja ove godine saslušanjem Jasmina Kukavice.

Organizator i članovi

Ovom optužnicom su, osim Burića, obuhvaćeni Danko Dragoje, Edin Arnautović, Semir Habibija, Petar Bošnjak, Mario Bošnjak, Denis Tabaković, Igor Lečić, Slađan Dragičević, Almir Denjo, Valentina Sulić, i Josip Čužić. Svi osim Burića i Arnautovića, brane se sa slobode.

Prema optužnici, Burić se tereti da je organizovao i rukovodio grupom za organizovani kriminal, dok su ostali optuženi postali članovi te grupe, a koja je radi sticanja protivpravne imovinske koristi u periodu od aprila do septembra 2013. vršila neovlašteni međunarodni promet opojnim drogama heroin i kokain.

Oni su, kao što je poznato, uhapšeni u akciji Osoje. **A. B. Č.**

SPECIJALIZACIJA

Nakon što su neki od advokata kazali da prvi put čuju da je "čovjek osposobljen za dešifrovanje", Šarić je odgovorio da se, između ostalog, specijalizovao za dešifrovanje